

kavavatanen no alibangbang

Kasyaman am. peyveyvonongen na rana o ka piya no kakawan. ta masngen rana o ka peyrayon no tao do pongso.

no Kapowan am. makaranes sira o alibangbang do Jimagaod. a makarala do peygyavanovanowana do pongso papowan do so ka peyvanwa da. a meyrayon a mangahahap do among no rayon.

no kakwa am, mangey manoo sira o ineynapo da no Imorod, manoo sira do Jimaramay am, to da cita o among a somalap, to da ngahapa o asa ka alibangbang a kozongen do karey da a patovongen do sinavat da. ta jida pa sinkaji o alibangbang, ipanci da toda ka amoamong, moli sira am padengdengen da do sinavat da, a ka yakan da nya.

meyrataten am, meykanokanoka sira, to sira na nyahey. mahep am, patateynepan no alibangbang o rarakeh, maniring am, “ o nyo ipeykanokanoka am, ya nyo pazavozen yamen do sinavat nyo a ya, dengdengen, ori o nyo ikakman sang, ko ihawa imo a omaow nya, simarow am, mangey ka do Yabnoy ta pacisirisiringan ko imo. ”

ikadwa na arow am. mangey do Yabnoy o rarakeh. tona nanalla, toda jimeyigen am, macita na o meysisinazi a among a mangey jya, makaranes

am vezain na o panid na do kakawan, maniring am, “ yamen am sosooen, manma domokdok do pongso nyo, meytaretarek namen a alibangbang. ” ori ni pamaring da na so pangahahapan da no tao, a manlag do among no rayon. amyan so mavaheng so panid, sosooen, papatawen, neymeynaken na o mavaheng so panid, o sosooen am, ney apereh sira, manma makaranes do pongso, a soan do mahep, jimacipan do marow.

o akakanan so among no rayon am, apo do alibangbang a nimanci nya do tao, so makakadey a icicirawat no tao.

o icicirawat no tao do pongso am, ya tonazetazestes a yamavonas, ta da jiatenngi rana no kanakan aka no malalavayo a tao a ipanci o ciriciring no tao. tana icicirawat no tao do pongso am, ya akman sang, ta da jiatenngi rana peyvazain, ta da sazapen rana o icicirawat no dehdeh, a ya meydehdehdeh.

飛魚的傳說故事

每年三月，我們會舉行招飛魚祭。以前，紅頭祖先用火把借光捕捉海產類，把飛魚跟海產裝入網袋，還和其他海產混煮食用、生瘡。有天，飛魚託夢給一位老人：「生瘡是因為和其他海產生物一起混煮食用，明天早上到 do Yabnoy 好讓我對你說明。」老人依夢到 do Yabnoy。飛魚：「我們是第一批到達蘭嶼的白翅飛魚。飛魚有黑翅、白翅、紅翅。黑翅是飛魚類中的領袖、白翅最少，只能夜間火漁，不能白日舟釣。」

從那時起，祖先建造拼板舟會舉行簡單的儀式。